

四庫全書

子部

# 欽定四庫全書

子部  
廣博物志卷十

詳校官侍讀學士臣沈威熙

主事臣祁韻士覆勘

總校官知縣臣楊懋珩

校對官中書臣石鴻緒

謄錄監生臣王永鎮

欽定四庫全書

廣博物志卷十

明 董斯張 撰

介辰中

堯舜至漢止

堯母慶都生於斗維之野天偶大雷電有血流潤大石  
之中生慶都常有黃雲覆蓋之茂食不饑年二十寄伊  
長儒家出觀三河之首常若有神隨之者有赤龍負圖  
出慶都督讀之云赤受天運下有圖人衣赤光面八采

鬚髮長七尺二寸銳上豐下足履翼宿署曰赤帝起成  
天下寶奄然陰風四合赤龍與慶都婚有娠龍消不見  
既乳視堯如圖表及堯有知慶都以圖予堯

春秋合  
誠圖

世謂堯生伊長孺之家而姓伊祈非也伊祈乃炎帝之  
姓堯姓姬出於唐讐不為伊蓋昔以堯與炎帝俱火德  
王故謂堯為炎後自漢以來有是說世遂果以堯為炎  
帝子孫因云姓伊祈失之世紀云慶都寄於伊長孺家  
故堯以母所居為姓又云為祈氏或從母姓伊姓非其

本姓亦自辨矣稽古錄從之為祈姓誤也靈臺碑言昔者慶都兆會窮精氏姓曰伊則伊其母姓爾然亦不得為祈云

路史

堯為仁君一日十瑞宮中芻化為禾鳳皇止於庭神龍見於宮沼歷草生堦宮禽五色鳥化白神木生蓮萐莆生厨景星耀於天甘露降於地是為十瑞

述異記

帝堯書銘竹帛瑑戒杆枰

墨子

堯教於隸屬而民不聽至於南面而王天下令則行禁

則止

堯教化及雕題蜀越撫交趾身涉流沙地封獨山西見  
王母訓及大夏渠搜北中幽都及狗國與人身而鳥面  
及焦僥

堯時三年耕餘一年之食謂之升平九年耕餘二年食  
謂之登平二十年耕餘七年食謂之太平

兔園策注

孔子云舜臨民以五堯臨民以十二謂十二載一巡狩  
也

人君之有天下瑤臺九累而堯白屋黼衣九種而堯大  
布宮中三市而堯鶉居珍羞百種而堯糲飯菜鬻騏驎  
青龍而堯素車璞馬不以鶉居易九市不以私故留耕  
時水處者漁谷居者牧陵阪耕畝臯澤織罔是以地宜  
其事事宜其械械宜其材故人得以所有易所亡所工  
易所拙而上下達矣

見尸子文  
子淮南子

堯曰余坐華殿之上森然而松生於棟余立櫺扉之內  
霏然而雲生於牖雖面雙闕無異乎崔嵬之冠蓬萊雖

背墉郭無異乎迴壘之縈崑崙余安知其所以安榮

符

堯取人以狀舜取人以色禹取人以言湯取人以聲武

王取人以度

大戴禮

堯有大唐之歌

文心雕龍

堯置敢諫之鼓舜立誹謗之木湯有司直之人武王立

戒慎之銘

淮南子○又晉張紘云堯舜立敢諫之鼓三王立誹謗之木呂氏春秋言堯有欲諫之鼓

尸子言堯立誹謗木文紀注進善之旌堯立之五達之道誹謗木堯作之橋梁板所以書政治之愆失又帝王

世紀云禹置敢諫之幡



舜為御堯為左禹為右入於澤而問牧童入於水而問  
漁師奚故也其知之審也

呂氏春秋

堯無百戶之郭舜無置錐之地以有天下禹無十人之  
衆湯無七里之分以王諸侯

堯翼星之精在南方色赤舜斗星之精在中央色黃禹  
參星之精在西方色白湯虛星之精在北方色黑文王  
房星之精在東方色青

感精符注

堯夢乘青龍上泰山舜夢擊鼓桀夢黑風破其宮紂夢

大雷擊其首

堯有九佐舜有七友禹有五丞湯有三輔

戰國策七友者雄陶方回

續牙伯陽東不  
皆秦不虛靈甫

彼聞堯舜之時鳳皇景星皆見河圖洛書皆出以為後  
王治天下當復若等之物乃為太平用心若此猶謂堯  
當復比齒舜當復八眉也

堯學於君疇舜學於務成昭

荀子

晏子問於子華子曰嬰聞聖人尚儉堯不以土階為陋

而有虞氏怵戒於塗髹於傳有之乎子華子曰昔堯居於衢室之宮垂衣而櫛幅遠如神明之居輯五瑞以見羣后帶幅舄而入覲者如衆星之拱北堯則若固有之也舜遊於巖廊之上被袵衣而鼓五絃之琴畫日月於太常備十有二章黼黻玄黃爛如也出則有鸞和動則有珮環步趨中於莖韶之節舜亦若固有之也夫堯舜之備物也如此而惡有所謂土階三尺茅茨不剪者惡有所謂塗髹以自怵戒者此腐儒之所守而汙俗之所

以相欺者也

子華子

堯以仲春之月刻玉而遊河舜以甲子之朝披圖而巡

洛

庾信賦

堯有子十人不與其子而授舜舜有子九人不與其子

而授禹

呂氏春秋

昔者舜問於堯曰天王之用心何如堯曰吾不教無告  
不廢窮民苦死者嘉孺子而哀婦人此吾所以用心已  
舜曰美則美矣而未大也堯曰然則何如舜曰天德而

出寧日月照而四時行若晝夜之有經雲行而雨施矣  
堯曰然則膠膠擾擾乎子天之合也我人之合也莊子

初堯在位七十載矣見丹朱之不肖不足以嗣天下乃

求賢以異於位至夢長人見而論治

見書緯溫子昇舜廟碑所謂感夢長

人舜之潛德堯實知之於是疇咨於衆詢四嶽明明揚

仄陋得諸服澤之陽

世紀云堯求賢四嶽薦舜堯命之於順澤之陽或云即漢澤

問

以天下曰我欲致天下為之柰何對曰執一亡失行微

亡怠中信亡倦而天下自來

荀子云執一如天地行微如日月誠威於內賁於外

形於四海天下其在一問以奚事對曰事天問以奚任  
隅邪夫亦何足致也

對曰任地又問奚務對曰務人曰人之情柰何對曰妻

子具而孝衰於親耆欲得而信衰於友人之情乎人情  
不可長又奚問焉若夫從道則吉反道則凶猶影響也

南面而與之言席龍垤而蔭翳桑陰不移而堯志得妃

以盲姬以瑩

盲即娥皇字娥姬皇盲聲相混也瑩即女  
英見世本存桓梁后名曰文瑩一曰匡帝

系作女匡氏尸子云妻以娥媵以皇娥皇衆女  
之英妄淮南子云屬以九子贈以昭華之玉堯之子

長監明蚤死不得立監明之嗣封于劉朱又不肖而弗

獲嗣

堯舉舜於服澤之陽禹舉益於陰方之中文王舉閔夭

泰顛於囿罔之中

墨子

舜牧羊於潢陽堯舉之以為天子

公孫尼子

堯欲傳天下於舜鯀諫曰不祥哉孰以天下而傳之於

匹夫乎堯不聽舉兵而誅殺鯀於羽山之郊共工又諫

曰孰以天下而傳之於匹夫乎堯不聽又舉兵而誅共

工於幽州之都於是天下莫敢言乃傳天下於舜

韓非子

方堯禪舜沉書日稷而赤光起舜禪禹沈璧堯壇赤光

又起及湯觀洛沈璧三投光不起矣

鈞命訣

虞舜握石推懷神珠

推讀曰鍾鐘平輕重也握謂知玉衡之道懷神珠喻有聖性也出尚

書帝

命驗

舜東夷之人生於桃丘為水之汭損石之東舊說言舜

上虞人也後為縣桃丘即桃丘方相近也今臨江山有

立石所謂損石者也

風土記○又山海經中容之國舜之所生

舜耕於歷山而交益陶於河濱而交禹

魯連子



舜耕於歷山得玉歷於河際之巖舜知天命在己體道

不倦

搜神記

歷山之農者侵畔舜往耕焉期年而畝正河濱之漁者  
爭抵舜往漁焉期年而讓長東夷之陶者器苦窳舜往  
陶焉期年而器牢仲尼歎曰耕漁與陶非舜官也而舜  
往為之者所以救敗也舜其信仁乎乃躬耕處苦而民  
從之

韓子

舜兼愛百姓務利天下其田歷山也荷彼耒耜耕彼南

畝與四海俱有其利其漁雷澤也早則為耕者鑿漬儉

則為獵者表虎故有光若日月天下歸之若父母

尸子

舜耕歷山歲不熟舜糴其父詣糴每還錢與米問之子

也因相抱歸拭其父目尋自明堯聞而妻之

真源

瞽叟又速舜飲酒醉將殺之舜告二女二女乃與舜藥

浴注遂往舜終日飲酒不醉

列女傳

舜父母憎舜使其塗廩自下焚之舜服鳥工衣服飛去

又使浚井自上填之以石舜服龍工衣自傍而出

竹書紀年

虞舜灰於常羊什器於壽丘就時負夏未嘗暫息頓丘  
買貴於是販於頓丘傳虛賣賤於是債於傳虛以均救  
之

舜南面而治天下燭於玉燭息於永風食於膏火飲於  
醴泉舜之行其猶江海乎千仞之溪滿之螻螳之穴亦  
滿之禹湯之功不足尚矣尸子

王充云禹舜大聖隱藏骨肉之過而尸子云事親養兄  
為天下法是則更有兄也路史

昔者舜甑盆無臙而下不以餘獲罪飯乎土簋啜乎土  
型而農不以力獲罪麤衣而墊領而女不以巧獲罪法  
下易由事寡易為功而民不以政獲罪

韓詩  
外傳

務成昭之教舜曰避天下之逆從天下之順天下不足  
取也避天下之順從天下之逆天下不足失也

尸子

南風孝子之詩舜以教天下之孝

禮記  
疏

舜受終鳳皇儀黃龍感朱草生蓂莢孽西王母授益地

圖

雜書靈  
准聽

帝命驗曰順堯攷德題期立象

注曰堯巡省河洛得龜之圖書舜禪習禮題五

德之期立將起之象也

舜在位十有四年奏鍾石笙管未罷而天大雷雨疾風  
登屋拔木桴鼓播地鐘磬亂行舞人頓伏樂正狂走舜  
乃堵持衡而笑曰明哉天下非一人之天下也亦乃見  
於鍾石笙筦乎乃薦禹於天使行天子事也於是和氣  
普應慶雲興焉若烟非烟若雲非雲郁郁紛紛蕭索輪  
囷百工相和而歌卿雲帝乃倡之曰慶雲爛兮紅漫漫

今日月光華旦復旦兮羣臣咸進頓首曰明明上天爛  
然星陳日月光華弘於一人帝乃再歌曰日月有常星  
辰有行四時從經萬姓允誠於予論樂配天之靈遷於  
聖賢莫不咸聽饗乎鼓之軒乎舞之精華以竭褰裳去  
之於是八風循通慶雲叢聚螭龍奮迅於其藏蛟魚踊  
躍於其淵龜鼈咸出於其穴遷虞而事夏舜乃設壇於  
河依堯故事至於下是榮光休至黃龍負圖長三十二  
尺廣九尺出於壇畔赤文錄錯其文言當禪禹

竹書紀年

舜禪夏禹於洞庭之野

符子

昔者舜使吏決鴻水先令有功而舜殺之禹朝諸侯之君會稽之上防風後至而禹斬之以此觀之先令者殺後令者斬則古人必貴如今矣

韓非子

有虞氏不賞不罰夏后賞而不罰商罰而不賞周賞且

罰

慎子

禹父既放降在匹庶有聖德夢日洗於河西四嶽師舉

之舜進之堯

帝王世紀 傳子云荀仲豫稱禹十二為司空

詩含神霧云大禹之興黑風會紀

注黑力墨風風后皆黃帝臣禹伯禹當其

也至

帝告禹曰予告汝九術五勝之常可以克之汝能從之

師徒其興

見河圖握矩紀

舜升大禹石夷之野後漢戴叔鸞傳云大禹生西羌水

經注禹生於蜀之廣柔縣石紐村今之石泉縣也

丹鉛錄

舜染於許由伯陽禹染於臯陶伯益湯染於伊尹仲虺

武王染於太公望周公旦此四王者所染當故王天下



立為天子功名蔽天地舉天下之仁義顯人必稱此四

王者

呂氏春秋

堯禪天下虞舜受之作為食器斬山木而財之削鋸修之迹流漆墨其上輸之於宮以為食器諸侯以為益侈國之不服者十三舜禪天下而傳之於禹禹作為祭器墨染其外而朱畫其內縵帛為茵蔣席頗緣觴酌有采而樽俎有飾此彌侈矣而國之不服者三十二夏后氏沒殷人受之作為大輅而建九旒食器雕琢觴酌刻鏤

四壁堊墍茵席雕文此彌侈矣而國之不服者五十三

子韓

大禹之名飛在金烏前懸於玉兔上

禹廟  
謚議

大禹勤求賢士以及方外見耕者五偶而式十室之邑

必下見山仰之見谷俯之以備道秉德之士存焉

賈子

夏禹治水隨山濬川老君遣雲華夫人往陰相之時禹

駐巫山之下大風卒至崖谷振隕力不可制忽遇雲華

夫人禹拜而求助夫人即勅侍女授禹策名鬼神之書

因命其神狂章虞余黃魔大翳庚辰童律巨靈神等助  
其斬石疏波決塞導阨禹嘗謁雲華於崇獻之顛顧盼  
之際化而為石或倏然飛騰散為輕雲油然而止聚為  
夕雨或為遊龍或為翔鶴千態萬狀不可親也

真仙  
通鑑

大禹之治天下也諸侯萬人而禹一皆知其體故大禹  
豈能一見而知之也豈能一聞而識之也諸侯朝會而  
禹親報之故是以禹一皆知其國也其士月朝而禹親  
見之故是以禹一皆知其體也然且大禹其猶大恐諸

侯會則問於諸侯曰諸侯以寡人為驕乎朔日士會則問於士曰諸大夫以寡人為汰乎其聞寡人之驕之汰耶而不以語寡人者此教寡人殘道也滅天下之教也故寡人之所怨於人者莫大於此也上

夏禹未遇夢乘舟月中過

昔禹治洪水既畢乃乘蹺車度弱水而到鐘山祠上帝

於北阿歸大功於九天

十洲記

禹之為水以身解於陽盼之河湯旱以身禱於桑山之

林淮南

子

禹崩啟立曉知王事達於君臣之義益死之後啟歲善犧牲以祠之經曰夏啟善犧於益此之謂也

越絕書

伯益干啟位啟殺之

竹書紀年

禹讓天下於奇子奇子曰君言佐舜勞矣鑿山川通河漢首無髮股無毛故舜也以勞報子我生而逸不能為

君之勞矣

符子

夏禹十寸為尺成湯十二寸為尺武王八寸為尺

禹制九等而康歌興周人十一而頌聲作

隋食貨志

禹平天下得益皋陶橫革直成為輔

荀子

禹之治天下也得皋陶得杜子業得既子得施子黯得

季子寧得然子堪得輕子玉得七大夫以佐其身以治

天下

鬻子

帝啟一名建一名余

世紀

桀作瑤臺罷民力殫民財為酒池糟隄縱靡靡之樂羣

臣相持歌曰江水沛沛兮舟楫敗兮我王廢兮趣歸薄

兮薄亦大兮又曰樂兮樂兮四牧蹠兮六轡沃兮去不  
善而從善何不樂兮伊尹知天命之至舉觴而告桀曰  
君王不聽臣之言亡無日矣桀拍然而作啞然而笑曰  
子何妖言吾有天下如天之有日也日亡吾亦亡矣於  
是接履而趣遂適湯湯立為相殷王而夏亡

竹書紀年注

桀者冬不為杠夏不束相以觀凍溺弛牝虎充市以觀

其驚駭

管子

桀之力制脰伸鉤索鐵歛金

淮南子

欽定四庫全書  
卷十  
梁盛軍伍立兩億自謂天父上

龍逢諫桀曰臣觀君之冕非冕冠危石觀君之履非履履春冰未有冠危石而不壓蹈春冰而不陷者也

符子曰龍

逢遂為炮烙之歌

桀殺龍逢於庚子之日有金版出於庭中地曰臣族虐

王禽

任昉百辟勸進今上  
歲注出論語陰嬖識

夏桀之時費昌之河上見二日在東者爛爛將起在西者沉沉將滅苦疾雷之聲昌問於馮夷曰何者為殷何



者為夏馮夷曰西夏東殷於是費昌徙疾歸殷

桀怒湯以諛臣趙梁計召而囚之釣臺寘之種泉幾於死湯乃行賂桀遂釋之而賞之攢茅

夏桀之時有岑山之水桀常以十月發民鑿山穿陵通於河民諫曰孟冬鑿山穿陵是泄天氣發地之藏天子失道後必有敗桀殺之期年岑山崩為大澤湯率諸侯

伐之

太公金匱

桀為無道天下顛恐于辛任威國人大崩湯欲令伊尹

往視曠夏恐其不信湯乃自射伊尹伊尹奔夏三年反  
報於亳曰桀迷於妹嬉好彼琬琰不恤其衆民心積怨  
皆曰上天不恤夏命其卒湯與伊尹盟以示必滅夏伊  
尹又往視曠夏聽於妹嬉之言以告湯湯良車七十乘  
必死六十人以戊子戰於郟遂禽移大犧登自鳴條乃  
入巢門遂有夏民大悅親鄭如夏

呂氏春秋

湯禽桀於焦門放之歷山乃與妹嬉及嬖妾同舟浮海

奔南巢之山

世紀

夏桀之時主闇晦而不明道瀾漫而不修棄捐五帝之  
恩刑推蹶三王之法籍是以至德滅而不揚帝道揜而  
不興舉事戾蒼天發號逆四時春秋縮其和天地除其  
德仁君處位而不安大夫隱道而不言羣臣準上意而  
懷當疏骨肉而自容邪人參耦比周而陰謀居君臣父  
子之間而競戴驕主而像其意亂人以成其事是故君  
臣乖而不親骨肉疏而不附植社槁而墻裂容臺振而  
掩覆犬羣嗥而入淵豕銜蓐而席澳美人挈首墨面而

不容曼聲吞炭內閉而不歌喪不盡其哀獵不聽其樂

西姥折勝黃神嘯吟飛鳥鎩翼走獸廢脚山無峻幹澤

無洼水狐狸首穴馬牛放失田無立禾路無莎蘋金積

折廉壁襲無理

金氣積聚折其鋒廉也壁文襲重言用之煩數皆鈍無復文理也

磬龜

無腹著策日施

淮南子

桀死於亭山紂縣於赤旆

荀子○又淮南子云桀囚焦門紂居宣室

女華者桀之所愛也湯事之以千金曲逆者桀之所善

也湯事之以千金內則有女華之陰外則有曲逆之陽

陰陽之議合而得成其天子此湯之陰謀也

管子

湯以薄武王以瀉

薄亭同瀉  
鎬同荀子

湯之治天下也得慶誦伊尹湟里且東門虛南門螻西

門疵北門側得七大夫佐以治天下

鬻子

成湯大聖觀野魚而有獵逐之失

蜀書

昔湯繫於夏臺伊尹不離其側文王囚於石室太公不

棄其國

吳越春秋

湯獻牛荆之伯之伯者荊州之君也湯行仁義敬鬼神

天下皆一心歸之當是時天下未從也湯於是乃飾犧牛以事荆伯乃媿然曰失事聖人禮乃委其誠心此謂湯獻牛荆之伯也

越絕書

湯思賢夢見有人負鼎抱姐對已而笑寤而占曰鼎為和味姐者割截天下豈有大為吾宰者哉初力牧之後曰伊摯耕於有莘之野湯聞以幣聘有莘之君留而不進湯乃求婚於有莘之君遂嫁女於湯以摯為媵臣至亳乃負鼎抱姐見湯也

世紀

伊尹耕於有莘之野王馳往見之彭氏子諫曰伊尹賤人可徒致之君無辱車乘王曰夫一草之木可已天子病者天子猶欣喜食之子誠不欲藥人病也遂黜彭氏之子

劉緇先  
聖本紀

成湯將放桀自處於中野士民聞湯在野皆委貨扶老攜幼奔國中虛桀請湯曰國所以為國者以有家家所以為家者以有人也今國無家家無人矣君有人國君之有也湯曰否昔大帝作道明教士民今君王滅道殘

政士民惑矣吾為王明之士民復致於桀桀與其屬五百人南徙千里止於不齊民往奔湯於中野桀復請湯國君之有也湯曰否我為君王明之士民復重請之桀與其屬五百人徙于魯魯士民復奔湯桀又曰國君之有也吾則外人我將去之湯曰此君王之士也君王之民也委之何為湯不能止桀湯曰欲從者從君桀與其屬五百人去湯放桀而復薄三千諸侯大會湯退再拜從諸侯之位湯曰天下非一家之有也有道者之有也



故天下者唯有道者理之唯有道者紀之唯有道者宜  
久處之湯以此讓三千諸侯莫敢即位然後湯即天子

之位

竹書紀年

湯將奉天命放桀夢及天而錫之

宋志

大荒西經云成湯伐夏桀于章山克之注章山名大沙  
或云沙丘

湯入夏付國於文祀西伯之殷委國於二老

吳越春秋

京房易載湯戒妹之辭曰無以天子之尊而乘諸侯無

以天下之富而驕諸侯陰之從陽女之順夫本天地之義也徃事爾夫必以義理

殷家質直故以生日名子尚書言太甲帝乙武丁是也不以子丑名者何也曰甲乙者榦也子丑者枝也榦者本本實故以甲乙為名也

白虎通

伊尹之始終書叙備矣陸士衡豪士賦序伊生死抱明允以嬰戮蓋惑於汲冢紀年之妄說也皇甫謐云伊尹百有餘歲應劭云周公年九十九王充論衡云召公百

八十故趙岐注孟子云壽若召公

紂嘗以六月獵於西土民諫曰六月天務覆施地務長養今盛夏發民逐禽而元元懸於野君踐一日之苗而民百日不食天子失道後必無福紂以為妖言而誅之

後數日天暴風雨發屋折樹

太公金匱○比干作秣馬金闕歌

周文王之時蒞國八年歲六月文王寢疾五日而地動東西南北不出國郊有司皆曰臣聞地之動也人主也今者君王寢疾五日而地動四面不出國郊羣臣皆恐

請移之文王曰柰何其移之也對曰興事動衆以增國  
城其可移之乎文王曰不可夫天之道見妖是以罰有  
罪也我必有罪故此罰我也今又專興事動衆以增國  
城是重吾罪也不可以之昌也請改行重善移之其可  
以免乎於是遂謹其禮節秩皮革以交諸侯飾其辭令  
幣帛以禮俊士頒其爵列等級田疇以賞有功遂與羣  
臣行此無幾何而疾止

韓詩  
外傳

辛甲事紂七十五諫不聽而去召公與語賢之告文王

親自迎之以為公卿封於長子

劉向別錄

文王語太子發曰吾厚德而廣惠不為驕侈不為泰靡

童牛不服童馬不馳萬物不失其性

周書

文王觀於臧見一丈夫釣而其釣莫釣非持其釣有釣

者也常釣也文王欲舉而授之政而恐大臣父兄之弗

安也欲終而釋之而不忍百姓之無天也於是旦而屬

之大夫曰昔者寡人夢見良人黑色而顛乘駁馬而偏

朱蹄號曰寓而政於臧丈人庶幾乎民有瘳乎諸大夫

欽定四庫全書

廣雅

三

臧然曰先君王也文王曰然則卜之諸大夫曰先君之

命王其無他又何卜焉遂迎臧丈人而授之政典法無

更偏令無出三年文王觀於國則列士壞植散羣長官

者不成德黷斛不敢入於四境列士壞植散羣則尚同

也長官者不成德則同務也黷斛不敢入於四境則諸

侯無二心也文王於是焉以為太師北面而問曰政可

以及天下乎臧丈人昧然而不應泛然而辭朝令而夜

遁終身無聞

莊子

王將獵史編卜之曰將大獲非熊非羆天遣大師以佐

昌臣太祖史疇為禹卜畋得臯陶其兆類此至於礪溪

之水呂尚釣於涯王下趨拜曰望公七年乃今見光景

於斯尚立變名答曰望釣得玉璜其文要曰姬受命昌

未提撰爾洛鈐報在齊尚出遊見赤人自洛出授尚書

命曰召佐昌者子

竹書紀年又列仙傳云呂尚者冀州人也生而內智避紂之亂隱於遼

東四十年西適周匿於南山釣於礪溪三年不獲魚比

間皆曰可已矣尚曰非爾所及也已而果得兵鈐於魚

腹中

文王夢得聖人問尚遂載而歸至武王伐紂尚作陰謀百餘篇服澤芝地髓且二百年而告亡有難而不

葬後子伋葬之無尸唯有玉鈐六篇在棺中云○又說

范云呂望年七十釣於渭渚三日三夜魚無食者望即

忿脫其衣冠上有農人者古之異人謂望曰子姑復釣

必細其綸芳其餌徐徐而投無令魚駭望如其言初下

得鮒次得鯉刺魚腹得書書

文曰呂望封於齊望知其異

呂望釣於渭濱西伯再拜望釣不輟西伯拜不止望箕

踞笑曰汝何為來哉西伯曰殷政荒矣生民荼矣愚將

拯之思得賢士望曰殷政自荒生民自荼胡與於汝汝

胡垢予為西伯曰夫聖人不藏用以獨善於己必盡智

以兼濟萬物豈無是耶望曰夫人與鳥獸昆蟲共浮於

天地中一炁而已猶乎天下城郭屋舍皆峙於空虛者  
也盡壞城郭屋舍其空常空若盡殺人及鳥獸昆虫其  
炁常炁殷政何能荒邪生民何謂荼耶雖然城郭屋舍  
不必壞生民已形不必殺予將拯之矣乃許西伯同載  
而歸

無能  
子

文王斷虞芮之訟諸侯歸之改稱元年

武成  
正義

文王十五而生武王非法也

淮南  
子

帝乙以義故囚文王以仁故拘

潛夫  
論

文王智而好問故聖武王勇而好問故勝

淮南子

文王誅四武王誅二荀

子

紂為無道左強在側

左強紂之諛臣

太公並世故武王之功立

淮南子

文王見詈於玉門顏色不變而武王擒紂於牧野

韓子

紂作桎數千晚諸侯之不諂已者杖而桎之文王桎桎

於羑里七年而後得免及武王克殷既定令殷之民投

撤桎桎而流之於河民輸桎者以手撤之弗敢墜也跪

之入水弗敢授也曰昔者文王鬻常擁此故愛思文王

猶敬其桎况守其法教乎

賈子

武王至殷郊係墮五人御於前莫肯為之曰吾所以事

君者非係也武王左釋白羽右釋黃鉞勉而自為係孔

子聞之曰此五人者之所以為王者佐也不肖主之所

弗安也

呂氏春秋 韓非子  
作文王又作 晉文公

武王伐紂到於邢丘楯折為三天雨三日不休武王心

懼召太公而問曰意者紂未可伐乎太公對曰不然折



為三者軍當分為三也天雨三日不休欲灑吾兵也武  
王曰然何若矣太公曰愛其人及屋上烏惡其有人者  
憎其骨餘咸劉厥敵靡使有餘武王曰於戲天下未定  
也周公趨而進曰不然使各度其宅而佃其田無獲舊  
新百姓有過在予一人武王曰於戲天下已定矣乃修  
武勒兵於寧更名邢丘曰懷寧曰修武行克紂於牧之

野

韓詩  
外傳

武王克商將度邑自鹿丘而歎

周書

武王伐紂過隧斬岸過水折舟過谷發梁過山焚萊示  
民無返志也至於有戎之隧大風折旆散宜生諫曰此  
其妖歟武王曰非也天落兵也風霽而乘天大雨水平  
地而畜散宜生又諫曰此其妖歟武王曰非也天灑兵  
也卜而龜燭散宜生又諫曰此其妖歟武王曰不利以  
禱祠利以擊衆是燭之已故武王順天地犯三妖而禽  
紂於牧野其所獨見者精也

說苑

武王之伐紂也東面而迎太歲至汜而汜至懷而懷至

共頭而山隧霍叔懼曰出三日而五災至無乃不可乎  
周公曰剗比干而囚箕子夫又惡有不可焉遂選馬而  
進朝食於戚暮宿於甘泉厭旦於牧之野遂乘殷人而

進誅紂

荀子

武王伐紂太公陰謀食小兒以丹令身純赤長大教言  
殷亡殷民見兒身赤以為天神及言殷亡皆謂商滅兵  
至牧野晨舉脂燭姦謀惑民權掩不備周之所諱也  
河南有鉤陳壘相傳武王伐紂八百諸侯所會處

水經注

陰謀

武王率兵車以伐紂紂虎旅百萬陣於商郊起自黃鳥

至於赤斧三軍之士莫不失色

子鬻

武王伐紂戰於牧野紂之卒輻分車瓦裂甲如解下

書大

傳

紂將與武王戰紂陳其卒左翼右翼鼓之不進皆還其  
必顧以鄉紂也紂走還於寢廟之上身鬪而死左右弗  
肯助也紂之官衛以紂之軀棄之玉門之外民之觀者  
皆進蹴之蹈其腹蹶其腎踐其肺履其肝周武王乃使

人帷而守之民之觀者撓帷而入提擲之者猶未肯止

賈子

武王大敗殷人上堂見玉曰誰之玉也曰諸侯之玉即取而歸之於諸侯天下聞之曰武王廉於財矣入室見女曰誰之女也曰諸侯之女也即取而歸之於諸侯天下聞之曰武王廉於色也

說苑

武王入殷聞殷有長者武王往見之而問殷之所以亡殷長者對曰王欲知之則請以日中為期武王與周公

旦明日早要期則弗得也武王怪之周公曰吾已知之  
矣此君子也既不能其主又以其惡告王不忍為也若  
夫期而不當言而不信此殷之所以亡也已以此告王

矣

呂氏春秋

商容及殷民觀周軍之入見畢公至殷民曰是吾新君  
也容曰非也視其為人嚴乎將有急色故君子臨事而  
懼見太公至民曰是吾新君也容曰非也視其為人虎  
據而鷹趾當敵將衆威怒自信見利即前不顧其後故

君子臨衆果於進退周公至民曰是吾新君也容曰非也視其為人忻忻休休志在除賊是非天子則周之相國也故聖人臨衆知之見武王民曰是吾新君也容曰然聖人為海內除紂惡見惡不怒見善不喜顏色相副是以知之

門無鬼與赤張滿稽觀於武王之師赤張滿稽曰不及有虞氏乎故離此患也門無鬼曰天下均治而有虞氏治之耶其亂而後治之與赤張滿稽曰天下均治之為

願而何計以有虞氏為有虞氏之藥瘍也禿而施髡病  
而求醫孝子操藥以修慈父其色焦然聖人羞之至德  
之世不尚賢不使能上如標枝民如野鹿端正而不知  
以為義相愛而不知以為仁實而不知以為忠當而不  
知以為信蠢動而相使不以為賜是故行而無迹事而

無傳

莊子

武王不閉外門以示無懼去劔搢笏以示無讐

周書

武王踐阼三日召士大夫而問焉曰惡有藏之約行之



行萬世可以為子孫常者乎諸大夫對曰未得聞也然  
後召師尚父而問焉曰黃帝顓頊之道存乎意亦忽不  
可得見與師尚父曰在丹書王欲聞之則齊矣三日王  
端冕師尚父亦端冕奉書而入負屏而立王下堂南面  
而立師尚父曰先王之道不北面王行西折而南東面  
而立師尚父西面道書之言曰敬勝怠者吉怠勝敬者  
滅義勝欲者從欲勝義者凶凡事不强則枉弗敬則不  
正枉者滅廢敬者萬世藏之約行之行可以為子孫常

者此言之謂也且臣聞之以仁得之以仁守之其量百  
世以不仁得之以仁守之其量十世以不仁得之以不  
仁守之必及其世王聞書之言惕若恐懼退而為戒書  
於席之四端為銘焉於機為銘焉於鑑為銘焉於盥盤  
為銘焉於楹為銘焉於杖為銘焉於帶為銘焉於履屨  
為銘焉於觴豆為銘焉於戶為銘焉於牖為銘焉於劔  
為銘焉於弓為銘焉於矛為銘焉席前左端之銘曰安  
樂必敬前右端之銘曰無行可悔後左端之銘曰一反

一側亦不可以忘後右端之銘曰所監不遠視邇所代  
機之銘曰皇皇唯敬口生咥口戕口鑑之銘曰見爾前  
慮爾後盥盤之銘曰與其溺於人也寧溺於淵溺於淵  
猶可游也溺於人不可救也楹之銘曰母曰胡殘其禍  
將然母曰胡害其禍將大母曰胡傷其禍將長杖之銘  
曰惡乎危於忿竟惡乎失道於嗜慾惡乎相忘於富貴  
帶之銘曰火滅修容慎戒必恭恭則壽屨履之銘曰慎  
之勞勞則富觴豆之銘曰食自杖食自杖戒之惴惴則

逃戶之銘曰夫名難得而易失無懃弗志而曰我知之  
乎無懃弗及而曰我杖之乎擾阻以泥之若風將至必  
先搖搖雖有聖人不能為謀也牖之銘曰隨天時地之  
財敬祀皇天敬以先時叙之銘曰帶之以為服動必行  
德行德則興倍德則崩弓之銘曰屈身之義廢興之行  
無忘自過矛之銘曰造矛造矛少間弗忍終身之羞予

一人所聞以戒後世子孫

武王踐  
昨記

帝王微行自漢武帝始也劉氏曰盧生教始皇為微行

非自漢武帝矣

物原

成王冠周公使祝雍祝王曰達而勿多也祝雍曰使王

近於民遠於年嗇於時惠於財親賢使能

大戴禮

昔成王之政周公在前邵公在後畢公在左史佚在右

四子挾而維之目見正容耳聞正言一日即位天下曠

然言其法度素定也

後漢書

高祖與項羽戰於垓下孔將軍居左費將軍居右皆假

為名

西京雜記

四皓有羽翼太子之功其沒也惠帝為之製文立碑

文  
章

起綠

惠帝崩太后欲為高墳使從未央宮而見之諸將諫不

許東陽侯垂泣曰陛下見惠帝冢悲哀流涕無已傷

生也臣竊哀之太后乃止東陽侯張相如也

楚漢  
春秋

文帝廟號顧成景帝廟號德陽武帝廟號淵龍昭帝廟

號徘徊宣帝廟號樂遊元帝廟號長壽成帝廟號陽池

三輔

黃圖

景帝坐崇芳閣上有丹霞起赤龍盤棟間使王夫人居之改崇芳閣為猗蘭殿得幸有娠夢日入懷景帝亦夢高祖謂之曰王美人得子可名曰彘及生男因名焉是為武帝生於猗蘭殿

漢武故事

武帝初名彘三歲景帝抱於膝上撫念之知其心藏洞徹試問兒樂為天子否對曰由天不由兒願每日居宮垣在陛下前戲弄亦不敢逸豫以失子道景帝聞而愕然加敬而訓之他日復抱之几前說問兒悅習何書為

朕言之乃通伏羲以來羣聖所錄陰陽診候及龍圖龜  
策數萬言無一字遺落至七歲聖徹過人景帝令改名

徹

漢武  
內傳

漢武帝嘗微行造主人家家有婢國色帝悅之仍留宿  
夜與主婢卧有一書生亦寄宿善天文忽見客星將掩  
帝座甚逼書生大驚懼連呼咄咄不覺聲高仍又見一  
男子操刀將入戶聞書生聲急謂為已故遂縮走客星  
應時而退如此者數過帝聞其聲異而問之書生具說



所見帝乃悟曰必此人壻也將欲肆兇惡於朕仍召集  
期門羽林語主人曰朕天子也於是擒奴問而歎服乃  
誅之帝歎曰斯蓋天啟書生之心以扶祝朕躬乃厚賜  
書生焉

廣異記

武帝遺詔以雜道書四十卷置棺中元康二年河東功  
曹李及入上黨抱犢山採藥於巖室中得此書盛以金  
箱卷後題日月是武帝時也河東太守張純以箱及書  
奏上之武帝時左右見之涕泣曰此是帝殯物宣帝愴

然以書付茂陵

漢武內傳

漢武帝冢裏先有玉箱瑤杖各一是西胡康渠王所獻  
帝平素常玩之故入梓宮中其後四年有人於扶風郿  
市買得此二物帝左右識而認之說賣者形狀乃帝也

異苑

光武生有赤光照室影如五麟七鳳

光武進至下博城西皇惑不知所之有白衣老父在旁


指曰努力

東漢書

明帝時公車以反支日不受章奏帝聞而怪曰民廢農桑遠來詣闕而復拘以禁忌豈為政之意乎於是遂蠲

其制

潛夫



廣博物志卷十

# 欽定四庫全書

子部

廣博物志卷十一

詳校官侍讀學士<sub>臣</sub>沈威熙

主事<sub>臣</sub>祁韻士覆勘

總校官知縣<sub>臣</sub>楊懋珩

校對官中書<sub>臣</sub>石鴻緒

謄錄監生<sub>臣</sub>王永鎮

欽定四庫全書

廣博物志卷十一

明 董斯張 撰

斧宸下 太子 后妃

太子年十八曰孟侯孟侯者於四方諸侯來朝迎於郊者問其所不知也問之人民之所好惡地土所生美珍怪異山川之所有無父在時皆知之

尚書  
大傳

皇太子初拜有赤旄幢馬齒皇箱事四枚鹵簿有黃麾

漆牀並上

皇太子金璽龜紐朱黃綬遠遊冠介憤翠綬佩瑜玉隋書

皇太子安車朱輪青蓋畫轡文輶五彩續漢書

太子輦曰銅輦

太始三年制太子安車乘象輅沈約宋書

太子車綠幢青幟隋書

皇孫綠蓋車晉志

古者胎教之道王后有身十月而就嬖室太史持銅而

御戶左太宰持斗而御戶右太卜持蓍龜而御堂下諸  
官皆以其職御於門內比三月者王后所求聲音非禮  
樂則太師撫樂而稱不習所求滋味者非正味則太宰  
荷斗而不敢煎調太子生而立太師吹銅曰聲中某太  
宰曰滋味上某太卜曰命云某然後為王太子懸弧之  
禮義東方之弧以梧梧者東方之草春木也其牲以雞  
雞者東方之牲也南方之弧以柳柳者南方之草夏木  
也其牲以狗狗者南方之牲也中央之弧以桑桑者中

央之木也其牲以牛牛者中央之牲也西方之弧以棘  
棘者西方之草秋木也其牲以羊羊者西方之牲也北  
方之弧以棗棗者北方之草冬木也其牲以彘彘者北  
方之牲也五弧五分矢東方射東方南方射南方中央  
高射西方射西方北方射北方皆三射然後卜王太子  
名上母取天下母取於土母取於名山通谷母悖於鄉

俗新  
書

帝初取富宜氏曰皇生朱

皇即女皇世本帝繫漢書云  
女皇生母朱帝繫人表作散



宜氏繆堯三妃一后或云即中山夫人雷澤縣西五中步有中山夫人祠云堯之四妃張謂舜廟碑謂堯舜皆娶一姓也朱即嗣子朱說文引虞書作丹絳御覽世紀女瑩生丹朱非也

朱之兄考監明先

死而不得立庶弟九

莊子云堯不慈故云殺長子殆先死爾而四機論乃有堯囚十子之

說淮南子云堯得舜任以百官屬以九子然說苑堯時舜為司徒契司馬禹司空稷為田疇夔樂正倕工師伯夷秩宗皋陶大理益啟禽獸九子為臣堯知九職之事使九子者各受其事以成九功則非堯之子矣

堯生丹朱驚狼媚克帝悲之為制奕棋以閒其情使出

就丹帝崩虞氏國之於房為房侯

史路

周妃后姬成王於身立而不跛坐而不謏獨處不倨雖

怒不罵胎教之謂也成王生仁者養之孝者繼之四賢  
傍之成王有知而選太公為師周公為傅前有與計而  
後有與慮也

賈子

昔周文王使太公望傅太子太子發嗜鮑魚而公弗與  
太公曰禮鮑魚不登於俎豈有非禮而可以養太子哉  
上

晉獻公太子之至靈臺虵繞左輪御曰太子下拜吾聞  
國君之子虵遠左輪者速得國太子遂不行返乎舍御

人見太子太子曰吾聞為人子者盡和順君不行私欲  
恭嚴承命不逆君安今吾得國是君失安也見國之利  
而忘君安非子道也聞得國而拜其聲非君欲也廢子  
道不孝逆君欲不忠而使我行之殆欲吾國之危明也  
拔劍將死御止之曰夫機祥妖孽天之道也恭嚴承命  
人之行也拜祥戒孽禮也嚴恭承命不以身恨君孝也  
今太子見福不拜失禮殺身恨君失孝從僻心棄正行  
非臣之所聞也太子曰不然我得國君之孽也拜君之

孽不可謂禮見機祥而忘君之安國之賊也懷賊心以  
事君不可謂孝挾偽意以御天下懷賊心以事君邪之  
大者也而使我行之是欲國之危明也遂伏劍而死新序  
楚莊王之時太子車立於茅門之內少師慶逐之太子  
怒入謂王曰少師慶逐臣之車王曰舍之老君在前而  
不踰少君在後而不豫是國之寶臣也上

魏文侯有子曰擊次曰訢訢少而立以嗣封擊中山三  
年莫往來其傅趙蒼唐曰父忘子子不可忘父何不遣

使乎擊曰願之而未有所使也蒼唐曰臣請使擊曰諾於是乃問君之所好與所嗜曰君好北犬嗜晨雁遂求北犬晨雁賫行蒼唐至曰北蕃中山之君有北犬晨雁使蒼唐再拜獻之文侯曰擊無恙乎蒼唐唯唯而不對三問而三不對文侯曰不對何也蒼唐曰臣聞諸侯不名君既已賜弊邑使得小國侯君問以名不敢對也文侯曰中山之君無恙乎蒼唐曰今者臣之來拜送於郊文侯曰中山之君長短若何矣蒼唐曰問諸侯比諸侯

諸侯之朝則側者皆人臣無所比之然則所賜衣裘幾  
能勝之矣文侯曰中山之君亦何好乎對曰好詩文侯  
曰於詩何好曰好黍離與晨風文侯曰黍離何哉對曰  
彼黍離離彼稷之苗行邁靡靡中心搖搖知我者謂我  
心憂不知我者謂我何求悠悠蒼天此何人哉文侯曰  
怨乎曰非敢怨也時思也文侯曰晨風謂何對曰馱彼  
晨風鬱彼北林未見君子憂心欽欽如何如何忘我實  
多於是文侯大悅曰欲知其子視其母欲知其君視其

所使中山君不賢惡能得賢遂廢太子訢召中山君以  
為嗣詩曰鳳皇於飛翯翯其羽亦集爰止藹藹王多吉  
士惟君子使媚於天子曰夫使非直敝車罷馬而已亦  
將喻誠信通氣志明好惡然後可使也

韓詩  
外傳

齊王欲以淳于髡傳太子髡辭曰臣不肖不足以當此  
大任也王不若擇國之長者而使之齊王曰子無辭也  
寡人豈責子之令太子必如寡人也哉寡人固生而有  
之也子為寡人令太子如堯乎其如舜也

呂覽

夏扶謂荆軻曰何以教太子軻曰高欲令四三王下欲

令六五霸於君何如也

燕丹子

漢高祖手教太子云吾以汝是元子早有立意兼羣臣咸稱汝友四皓吾所不能致而為汝來是為人大事也

今定汝為嗣

殷芸小說

衛太子大舅武帝病太子入省江充曰上惡大舅當持

紙蔽其鼻而入帝怒

三輔故事

小黃門高望幸於皇太子太子因蹇碩屬望子進為孝



廉蓋勳不肯用曰進賢所以報國非賢不舉死亦無悔

後漢書

鄭衆字仲師從父受左氏春秋精力於學建武中皇太子及山陽王荆因虎賁中郎將梁松以繅帛聘請衆謂松曰太子儲君無外交之義漢有舊防蕃王不宜私通賓客遂辭不受

种暉字景伯順帝時為侍御史監護太子承光宮中常侍高梵受敕迎太子不賫詔書以衣車載太子欲出暉

至橫劍當車曰御史受詔監護太子太子國之儲副天命所繫常侍來無一尺詔書安知非挾奸耶梵馳奏之詔報太子乃得去帝亦嘉其持重稱善良久

並上

春秋佐助期漢以蒙孫亡說者以蒙孫值漢二十四帝童蒙愚惑以弱亡漢帝少時名為董侯名不正蒙亂荒惑其子孫以弱亡也

文帝初在東宮與太尉王朗書云疫癘數起士人凋落余獨何人能全其壽故集諸儒於肅成門內講論大義

侃侃無倦

魏書

中宗任刑法以韓子賜太子

晉中興書

武帝時文惠太子立樓館於鍾山下號曰東田太子屢遊幸之東田反語為顛童也武帝又於清溪立宮號曰舊宮反之窮廡也至鬱林王果以輕狡而至於窮又武帝時小史姓皇名太子武帝曰皇太子非名之謂於是移黜於外易名犬子處士何點曰太子者天地之所懸三才之所係今化而為犬不得立矣既而文惠太子薨

鬱林海陵相繼廢黜此其驗也

南齊書

昭明太子食中得蠅蟲之屬密置梓邊恐厨人獲罪不

令人知

南史

梁元帝謂蕭大園曰昔河間好學臨淄好文爾今兼之  
然得東平好善則彌高千載

裴昭明少傳儒史之業宋太始中為大學博士有司奏  
太子婚納徵用玉璧虎皮未詳何所準擬昭明議禮納  
徵儷皮鄭云皮為庭實鹿皮也晉太子納妃注以虎皮

二太元中公主納徵虎豹皮各一此豈謂婚禮不詳王公之差故取虎豹文蔚以尊其事虎豹雖文而徵禮所不言熊羆雖古而婚禮所不及珪璋雖美或為用各異今宜準經誥凡諸僻謬一皆詳正於是有司參議加珪璋豹熊羆各二

南史

元帝愍懷太子昵狎羣下好着微服常入朝公服中着碧絲布袴摳衣元帝見之大怪遣尚書周弘正責之

梁書

邢峙為國子助教授太子經廚宰進太子食菜有邪蒿

時令止之曰此菜有不正之名非陛下宜食文宣聞而

嘉之

北齊書

時太子至年十七王集諸臣而共議言為訪索婚有一  
釋種婆羅門名摩訶那摩其人有女名耶輸陀羅顏容  
端正聰明智慧賢才過人人禮備舉有如是德故索為  
妃太子雖納為妃然恒與妃行住坐卧未曾有世俗之  
意但修禪觀又普曜經云時諸力士釋種長者啟王若  
太子作佛斷聖王種王曰何所有王女宜與太子為妃

以權方便令當試之使上工匠立端金像以書文字女人德義如吾所流能應聘耳王告左右梵志入迦夷衛國遍瞻周行覩一玉女淨猶蓮華類玉女寶是執杖釋種女名俱夷見太子奇異才術以女俱夷為太子妃及年十七王為納妃揀選數千最後一女名曰裘夷端正第一神義備舉是則宿命賣華女也雖納為妃久而不接婦人情欲有附近心太子曰汝却人有汙垢必浣此褻婦不敢近諸女咸疑太子不男太子以手指妃腹曰

却後六年爾當生男遂以有娠

因果經以下后妃

人皇九人別長九州離艮地精女出為后此稱后之始

云初學記曰夏殷以前大率稱妃周則天子立后正嫡

曰王后秦稱皇帝正嫡曰皇后漢因之景帝廢后薄氏

後世人主廢后始此

物原

內宰掌書版圖之法

版謂宮中閭寺之籍圖謂宮中官府之象

以治王內之

政令

政令謂治閭寺之法禁

均其稍食分其人民以居之

人民謂吏之子

弟居之謂使之宿衛也

以陰禮教六宮

陰禮婦人之禮六宮謂后也王后立六宮正寢一燕



寢五以陰禮教九嬪以婦職之法教九御婦職謂織紉組紃縫線之

事九御者女御八十一人九九使各有屬每九人以作

二事合絲象正其服一其禮也禁其奇衰齊其行也展其功緒核其

事大祭祀后裸獻則贊贊助也瑤爵亦如之尸卒食王既醕后后亞獻

之其爵以瑤玉為飾正后之服位服謂褱衣以下六服亦內宰贊助其禮位謂房內戶中及阼

處所立而詔其禮樂之儀詔其出入進止之贊九嬪之禮節使與禮樂相應

事助九嬪贊凡賓客之裸獻瑤爵皆贊王禮賓而后亞后之事

亞獻王酬賓而后以瑤爵酬賓者皆內宰贊之致后之賓客之禮后致飲於賓客之禮則酒

人共之而內宰致之也

凡喪事佐后使治外內命婦正其服位

凡建國

建立國都

佐后立市

王立朝而后立市內宰佐之

設其次

司市所居

置其叙

胥師賈師等所居

正其肆

諸行列肆之等

陳其貨賄

諸物皆陳列之

出

其度量淳制

淳謂幅之廣制謂匹夫之長淳音準

祭之以陰禮

婦人之禮

中春

詔后帥內外命婦始蠶於北郊

外命婦諸臣之妻內命婦三夫人以下仲春始

蠶之時也

北郊

以為祭服

以親蠶而為祭服敬之至也

歲終則會內

正陰之地也

人之稍食

計嬪御之康給

稽其功事

攷絲象之功事

佐后而受獻功者

內宰助后而受女御所獻絲象之功比其小大與麋鹿良而賞罰之會內宮

之財用正歲均其稍食施其功事

施其絲象之事

憲禁令於王

之北宮而糾其守

北宮後宮也表縣禁令於北宮而糾宿衛之怠慢者

上春詔王

后帥六宮之人而生種稷之種而獻之於王

先種後熟曰種後種

先熟曰稷上春正歲春事將殷之時助王親耕也

周禮

內小臣掌王后之命正其服位后出入則前驅

以其掌后之命

故后出入則前驅而往也

若有祭祀賓客喪紀則擯詔后之禮事

三者

有禮必有事擯則若執事介賓也詔則告之以言也

相九嬪之禮事正內人之禮

事

正以齊之嬪詔相正不同異尊卑也

撤后之俎

后於祭祀授俎於房既事則撤去之

后有

好事於四方則使往

好事謂恩好之事四方謂族親為四方諸侯者使往問遺之

有

好令於卿大夫則亦如之

好令謂恩好之令卿大夫謂族親有位於朝者也

掌

王之陰事陰令

陰事謂進御之事陰令謂王有所求為於北宮之令

內豎

豎未冠者之官名

掌內外之通令凡小事

內后六宮也外卿大夫也童子

出入便疾故使之通命令治小事焉

若有祭祀賓客喪紀之事則為內人

蹕 王后之喪遷於宮中則前蹕及塋執褻器以從遣

車

九嬪

王后立六宮三夫人九嬪二十七世婦八十一御妻不列夫人之職官者夫人之於后猶三公之於

王無官職也掌婦學之法以教九御婦德婦言婦容婦功各

帥其屬而以時御叙於王所凡祭祀贊玉盥

玉盥受黍稷器以玉

為之盥

音咨贊后薦徹豆籩若有賓客則從后大喪帥叙

哭者亦如之

世婦掌祭祀賓客喪紀之事帥女宮而濯

洗祭器也水滌為濯

手拭為概為盥盛

為治擇也黍稷曰盥在器曰盛

及祭之日涖陳女宮之具

凡內羞之物

內羞房中之羞盛物以薦

掌弔臨於卿大夫之喪

女御掌御叙於王之燕寢以歲時獻功事

凡祭祀贊

世婦大喪掌沐浴后之喪持翣從世婦而弔於卿大夫之喪

女祝掌王后之內祭祀凡內禱祠之事掌以時招梗禴

禳之事

招以名祥梗以碍災禴以會福禳以禳禍以除疾殃

女史

女史者

掌王后之禮職

后於禮事所當職者

掌內治之貳

內宰主治

王內之政令而女史貳之

以詔后治內政逆內宮

於后宮之事有所逆而治正之

書內

令於后宮之令有所書而宣布之凡后之事以禮從

后舉則以禮籍從焉猶太師之從王也

世婦掌女宮之宿戒

女宮謂刑女給宮後者宿戒謂前期齊戒也

及祭祀比

其具比次也具謂所濯概及案盛也

詔王后之禮事

詔告也禮事謂裸獻薦徹之節也

帥六宮之人共盛盛

六宮之人謂世婦女御也

相外內宗之禮事

內外

宗謂女之有爵者后之禮事則以言詔之外內宗之禮事則以力相之

大賓客之饗食亦

如之

賓客饗食后有亞裸亞獻之禮內外宗佐之而世婦相之也

大喪比外內命

婦之朝莫哭不敬者而苛罰之凡王后有擯事於婦人

則詔相凡內事有達於外官者世婦掌之

內宗

王同姓之女凡有爵者

掌宗廟之祭祀薦加豆籩及以樂徹

則佐傳豆籩

后徹傳之內宗又通傳之外宗有司也

賓客之饗食亦如之

王后有事則從大喪序哭者哭諸侯亦如之凡卿大夫之喪掌其弔臨

外宗

王姑姊妹之女凡有爵者

掌宗廟之祭祀佐王后薦玉豆

簋

王之豆簋皆飾以玉  
賊豆簋者賊其實也

及以樂徹亦如之

亦佐后也又為內宗佐傳

也

王后以樂羞盥則贊凡王后之獻亦如之王后不

與則贊宗伯小祭祀掌事實客之事亦如之大喪則叙

外內朝莫哭者哭諸侯亦如之

並上

古者貴賤通稱其妻曰妃周公始稱天子妻曰后妾曰



夫人諸侯妻夫人卿妻曰內子大夫妻曰命婦士庶人曰妻秦昭王始稱其母曰太后漢高祖始稱其母曰太上皇后諸侯母曰太夫人武帝始稱其祖母曰太皇后魏明帝始稱天子妾諸侯妻並曰妃晉哀帝始稱所生妾母曰太妃物

原

皇后婕妤乘輦餘皆以茵四人輿以行

應劭漢官儀

皇后春幸蘭館夏遊御宿秋望昆明冬飲飛羽皇后出乘鸞輅青羽蓋駕駟馬龍旂九旂大將軍妻參乘太僕

妻御雒陽令奉引亦千乘萬騎車府令設鹵簿制虎賁羽林騎戎頭黃門鼓吹五帝車女騎夾轂執法御史在前後亦有金鉦黃鉞五將導桑於蠶宮手三盆於繭館

畢還宮

丁孚漢儀

皇太后法駕皆御金根加交路帷裳非法駕則乘紫罽駟車長公主赤罽駟車貴人公主王妃油畫駟車上

帝祖母稱長信宮帝母稱長樂宮

漢官儀

漢世母后無謚至於明帝始建光烈之稱

蔡邕謚議

華胥履大人之跡而生伏羲女媧感瑤光貫日而生顓

頊握登見大虹而生舜修紀見洞流星而生夏禹夫都

見白氣貫月而生殷湯大任夢見長人而生文王任姒

感龍生帝鬼魁

又詩含神霧曰大跡出雷澤華胥履之  
鈞命訣曰華胥履跡註云靈威仰之跡

也書帝命驗云姚氏縱華感樞注縱生也舜母感樞星  
生舜重華金樓子云成湯母感狼星之精又感黑龍而

成以乙日生湯號天乙國語

云大任濇於豕牢而得文王

黃帝立后三妃以存靈憲彤史小臣以備內宮以教天

下之內治次妃嫫母貌惡德克帝內之曰屬女德而弗

忘與女正而弗襄雖惡何傷是生蒼林禺陽

史路

黃帝妃嫫母訓宮人而有淑德奏六德之頌

要類

少昊母曰女節黃帝時有大星如虹下流華渚女節夢

接之意感而生少昊是為玄囂

路史云高陽取干類氏生少昊

有隗氏曰常羲生而能言髮迨其踵是歸高辛生太子

康及日十二

山海經云羲和者帝俊之妻也又曰帝俊妻常羲生月十二蓋月當為日十日者謂

以日名如甲乙丙丁之類云羲和者乃常羲有隗氏也大戴禮名常羲傳尚儀作常儀又作常宜士安作常耳

失之隗音輒見大戴史

漢世紀作媿訾氏非也

顓頊母景僕蜀山氏女為昌意正妃謂之女樞金天氏之末瑤光之星貫月如虹感女樞幽房之宮生顓頊於若水

帝嚳之妃鄒屠氏之女也軒轅去蚩尤之凶遷其民善者於鄒屠之地遷惡者於有北之鄉其先以帝命族後分為鄒氏屠氏女行不踐地常履風雲遊於伊洛帝乃期焉納以為妃妃常夢吞日則生一子凡經八夢則生八子世謂為八神亦謂八翼翼明也亦謂八英亦謂八

力言其神力英明翼成萬象億兆流其神睿焉

拾遺記  
八神

意即  
八愷

鄭玄云佶立四妃以象后妃四星一明者為正三小為次帝堯因之

諏訾氏生而髮與足齊墮地能言及為高辛帝室夢日而生八子世號八元

異苑

譽娶陳豐生放勳

簡狄鬴而生高辛契也

契古作高從內  
蟲也一作僕

簡狄一作東翟即簡易也干寶作索俠尚書中候云玄鳥翔水遺卵娥簡易拾吞生契封商後萌水易注云易疑浴娥簡在水中易而吞卵生契後人當天應嘉乃以水易為湯

舜妃癸比氏生二女曰宵明曰燭光處河大澤靈照百里是為湘之神

大澤謂洞庭言為神處此故靈光及於百里也以湘神黃陵為舜之二女非堯

之女也

舜納三妃生九子娥皇無子女英生商均益比生二女

宵明燭光舜不告而娶不立正妃故納三妃焉

藝文注又山

海經云舜妻登北氏生宵明燭光又舜妹有嫫首見路史世傳瞽叟與象每欲殺舜其妹嫫首每為之解說文云或作畫嫫一音畫也嫫或作擊或作繫

舜妃女瑩生義鈞及季釐季釐封於緡為桀所克義鈞

封於商是為商鈞最喜歌舞

路史

禹母曰修己出行見星貫昴夢接意感既而吞神珠修

己背剖而生禹於石紐

竹書紀年

吳越春秋云得薏苡而吞之一云禹孕十四月

鯀娶華氏曰女志是生高密

世本有華氏之女曰女嬉



女秩暮汲石紐山下泉水中得月精如鷄子愛而含之

不覺而吞遂有娠十四月生夏禹

通甲開山圖  
蔡氏解

塗山即名女媧見史記注

禹禹逆生閨母背而出后稷順生不圻不副不感動母  
體故曰不圻不副逆生者子孫逆死順生者子孫順亡  
蟬之生復育也閨背而出天之生聖子與復育同道乎  
兔吮毫而懷子及其子生從口而出案禹母吞薏苡以高  
母嚙燕卵與兔吮毫同實也禹禹之母生宜皆從口不

當閨背

論衡繁露云禹生發於背契生發於胸

禹立三妃九嬪以為內治

史路

禹娶塗山之子名曰攸女生余

連山易

后桀命扁伐岷山岷山女於桀二人曰琬曰琰桀愛二

女無子焉斲其名於苔華之玉苔是琬華是琰而棄其

元妃於洛曰妹嬉氏以與伊尹交遂以夏亡

竹書紀年又國語

云妹嬉與伊尹比姐已與膠鬲比又云妹嬉有施氏之女姐已有蘇氏之女

孔子曰昔逢氏抱小女妹嬉觀帝為履癸妃

洛書錄運法

湯妃有嬖統領九嬪後宮有序咸無妬媚逆理之人卒

致王功

列女傳

大妣夢見商之庭產棘太子發取周庭之梓樹於闕梓  
化為松栢械柞寐覺以告文王文王乃召太子發占之  
於明堂王及太子發竝拜吉夢受商之大命於皇天上

帝

周書

武王納太公之女曰邑姜修教於內生太子誦

帝王世紀

天子西至於重璧之臺盛姬告病亡天子哀之是日哀

次天子乃殯盛姬於穀丘之廟甲申天子北升於大北  
之陞而降休於兩栢之下天子永念傷心乃思淑人盛  
姬於是流涕七萃之士萋豫上諫於天子曰自古有死  
有生豈獨淑人天子不樂出於永思永思有益莫忘其  
新天子哀之乃又流涕

穆天子傳

盛姬卒王改其族為痛氏

上

婦人有謚自周景王之穆后始

物原

楚莊王好獵樊姬為之不食鳥獸之肉秦穆公好淫樂

華陽后為之不聽鄭衛之音

論衡

秦昭王母芊氏號宣太后是太后之號始於此也漢因

秦故尊母曰皇太后

事物考

楚莊姪者楚縣邑之女也頃襄王好遊觀之樂焉王左  
右謂王曰南遊於唐五百里有樂焉王將行姪年十二  
王既見姪操幟伏於南郊道傍王車至姪舉其幟王使  
人問之姪曰願謁隱事於王王召之子何以成寡人對  
曰大魚失水有龍無尾牆欲內崩而王不視王曰不知

對曰大魚失水者離國五百里也有龍無尾者年三十  
無太子牆欲內崩王不視者禍亂且成而王不改王曰  
何對曰王好臺榭而不恤衆庶出入不時耳目不聰強  
秦間王左右使王日以滋甚王不亟反且及禍雖悔無  
逮王曰善命後車載之立反國比至國門已閉反者已  
定王乃發鄢郢之師以擊之僅而得勝乃立姪為夫人

列女  
傳

齊有婦人極醜無雙號曰無鹽女其為人也臼頭深目

長壯大節昂鼻結喉肥項少髮折腰出胸皮膚若漆行  
年三十無所容入銜嫁不售流棄莫執於是乃拂拭短  
褐自詣宣王願一見謂謁者曰妾齊之不售女也聞君  
王之聖德願備後宮之掃除頓首司馬門外唯王幸許  
之謁者以聞宣王方置酒於漸臺左右聞之莫不拑口  
而大笑曰此天下強顏女子也於是宣王乃召而見之  
謂曰昔先王為寡人取妃匹皆已備有列位矣寡人今  
日聽鄭衛之聲嘔吟感傷揚激楚之遺風今夫人不容

鄉里布衣而欲千萬乘之主亦有奇能乎無鹽女對曰  
無有直竊慕大王之美義耳王曰雖然何喜良久曰竊  
嘗喜隱王曰隱固寡人之所願也試以行之言未卒忽  
然不見矣宣王大驚立發隱書而讀之退而惟之又  
不能得明日復更召而問之又不以隱對但揚目銜齒舉  
手拊肘曰殆哉殆哉如此者四宣王曰願遂聞命無鹽  
女對曰今大王之君國也西有衡秦之患南有強楚之  
讐外有三國之難內聚姦臣衆人不附春秋四十壯男



不立不務衆子而務衆婦尊所好而忽所恃一旦山陵崩弛社稷不定此一殆也漸臺五重黃金白玉琅玕龍疏翡翠珠璣莫落連飾萬民罷極此二殆也賢者伏匿於山林諂諛強於左右邪僞立於本朝諫者不得通入此三殆也酒漿流湏以夜續朝女樂俳優從橫大笑外不修諸侯之禮內不秉國家之治此四殆也故曰殆哉殆哉於是宣王掩然無聲意入黃泉忽然而昂喟然而嘆曰痛乎無鹽君之言吾今乃一聞寡人之殆寡人之

殆幾不全於是立停漸臺罷女樂退諂諛去彫琢選兵  
馬實府庫四闕公門招進直言延及側陋擇吉日立太  
子進慈母顯隱女拜無鹽君為王后而國大安者醜女  
之力也

新序

東越閩中有庸嶺高數十里其西北隙中有大蛇長七  
八丈圍一丈土俗常懼或與人夢或喻巫祝欲得啖童  
女年十二三者都尉令長竝共患之共請求人家生婢  
子兼有罪家女養之至八月朝祭送蛇穴口蛇輒夜出

吞嚙累年如此前後共用九女爾時預復募索未得其女將樂縣李誕家有六女無男其小女名寄應募欲行父母不聽寄曰女無緹縈濟父母之功既不能供徒費衣食生無所益不如早死寄乃行請好劍及咋蛇犬至八月朝便詣廟中坐懷劍將犬先作數石米糝蜜麩灌之以置穴口蛇夜便出頭大如困目如二尺鏡聞糝香氣先啖食之寄便放犬犬就嚙咋寄從後斫蛇因踊出至庭而死寄入視穴得其九女髑髏悉出咤言曰汝曹

怯弱為蛇所食甚可哀愍於是寄女緩步而歸越王聞之聘寄女為后拜其父為將樂令

搜神記

豐公家於沛之豐沛邑之陽里其妻夢赤馬若龍戲已而生孰嘉是為太公即太上皇也太上皇之妃昭靈后名含始遊於浴地有玉雞啣赤珠出刻曰玉英吞此者

王含始吞之生邦字季

帝王世紀

漢中洋川戚夫人所生處夫人思慕東鄉追求洋川帝

為驛致長安

水經注

戚夫人侍兒賈佩蘭後出為扶風人段儒妻說在宮內  
時常以絃管歌舞相歡娛競為妖服以趣良時十月十  
五日共入靈女廟以豚黍樂神吹簫擊筑歌上靈之曲  
既而相與連臂踏地為節歌赤鳳皇來至七月七日臨  
百子池作于闐樂樂畢以五色縷相羈謂為相連愛八  
月四日出雕房北戶竹下圍棋勝者終年有福負者終  
年疾病取絲縷就北辰星求長命乃免九月九日佩茱  
萸食蓬餌飲菊花酒令人長壽菊花舒時并采萸葉雜

黍米釀之至來年九月九日始熟就飲焉故謂之菊花  
酒正月上辰出池邊盥濯食蓬餌以祓妖邪三月上巳  
張樂於流水如此終歲焉

西京雜記

漢文帝出惠帝美人令得自嫁見魏楊阜傳

撒帳始於漢武帝非始於翼奉也李夫人初至坐七寶  
流蘇輦張鳳羽長生扇帝迎入帳中共坐歡飲之後預  
戒宮人遙撒五色同心花果帝與夫人以衣裾盛之云  
得多得子多也

原始

武帝以象牙為簞賜李夫人

西京雜記

武帝過李夫人就取玉簪搔頭自此後宮人搔頭皆用

玉玉價倍貴焉上

帝息於延涼室卧夢李夫人授帝蘅蕪之香帝驚起而香猶著衣枕歷月不歇帝彌思求終不復見涕泣洽席

遂改延涼室為遺芳夢室

拾遺記

飛燕與其妹婕妤坐后誤唾其袖合德曰姊唾染人紺碧正似石上花假令尚方為之未必能若此衣之華乃

號石華廣袖

飛燕外傳

飛燕為皇后其女弟在昭陽殿遺飛燕書曰今日嘉辰  
貴姊懋膺洪冊謹上襪三十五條以陳踊躍之心金花  
紫輪帽金花紫羅面衣織成上襦織成下裳五色文綬  
鴛鴦襦鴛鴦袴金錯繡褱七寶綦履五色文玉環同心  
七寶釵黃金步搖合歡圓璫琥珀枕龜文枕珊瑚玦瑪  
瑙彊雲母扇孔雀扇翠羽扇九華扇五明扇雲母屏風  
琉璃屏風五層金博山香爐迴風扇柳葉席同心梅含



枝李青木香沈水香香螺卮

出南海一名丹螺

九真雄麝香七

枝鐙

西京雜記

趙后始加大號婕妤奏書於后曰天地交暢貴人姊及此令吉光登正位為先人休不堪喜豫謹奏上二十六物以賀金屑組文茵一鋪沉水香蓮心碗一面五色同心大結一盤鴛鴦萬金錦一疋琉璃屏風一張枕前不夜珠一枚含香綠毛狸藉一鋪通香虎皮檀象一座龍香握魚二首獨搖寶蓮一鋪七出菱花鏡一奩精金瓠

環四指若亡絳綃單衣一襲香文羅手藉三幅七回光  
雄肪髮澤一盞紫金被褥香爐三枚文犀辟毒箸二雙  
碧玉膏奩一合使侍兒郭語瓊拜上后報以雲錦五色  
帳沉水香玉壺婕妤泣怨帝曰非姊賜我死不知此器  
帝謝之詔益州留三年輸為婕妤作七成錦帳以沉水

香飾

飛燕  
外傳

明德皇后眉不施黛獨左眉小缺補之以縹

東觀  
漢記

明德馬皇后自撰顯宗起居注削去兄防參醫藥事帝

請曰黃門舅旦夕供養既無褒異又不錄勤勞無乃過乎太后曰吾不欲令後世聞先帝數親后宮之家故不著也

續漢書

馬后美於色厚於德帝用嘉之嘗與觀畫過虞舜像見娥皇女英帝指之戲后曰恨不得如此為妃又前見陶唐之像后指堯曰嗟乎羣臣百僚恨不得為君如是帝

顧而笑

陳思王畫贊序

鄧皇后志在典籍六歲能史書母常非之曰汝不習女

工以供衣服乃更務學寧當舉博士耶后重違母言晝  
修婦業暮誦經典家人號曰諸生相者見后曰此成湯  
之骨法也嘗夢捫天蕩蕩正青若有鍾乳狀乃仰嗽飲  
之以訊占夢者云堯夢攀天而上湯夢及天而飮之斯  
皆聖王之占吉不可言後果為皇后

續漢書

建和元年四月丁亥保林吳姁以丙戌詔書下中常侍  
超曰朕聞河洲窈窕明辟思服擇賢作儷隆代所先故  
大將軍乘氏忠侯商所遺少女有貞靜之德流聞禁掖

其與姁並詣商第周視動止審悉幽隱其母諱匿朕將  
採焉姁即與超以詔書趨詣商第第內謹譟食時商女  
女瑩從中閤細步到寢姁與超如詔書周視動止俱合  
法相超留外舍姁以詔書如瑩燕處屏斥接侍閉中閤  
子時日晷薄辰穿照蜃牕光送著瑩面上如朝霞和雪  
艷射不能正視目波澄鱗眉嫵連卷朱口皓齒修耳懸  
鼻輔鬢頤頷位置均適姁尋脫瑩步搖伸髻度髮如黥  
髹可鑒圍手八盤墜地加半握已乞緩私小結束瑩面

發頰抵攔姁告瑩曰官家重禮借見朽落緩此結束當  
加鞠翟耳瑩泣數行下閉目轉面內向姁爲手緩捧著  
日光芳氣噴襲肌理膩潔拊不留手規前方後築脂刻  
玉胸乳菽發臍容半寸許珠私處墳起為展兩股陰溝  
渥丹火齊欲吐此守禮謹嚴處女也約畧瑩體血足榮  
膚膚足飾肉肉足冒骨長短合度自顛至底長七尺一  
寸肩廣一尺六寸臀視肩廣減三寸自肩至指長各二  
尺七寸指去掌四寸肖十竹萌削也髀至足長三尺二

寸足長八寸跽跗豐妍底平指歛約縑迫袂收束微如  
禁中久之不得音響姁令催謝皇帝萬年瑩乃徐拜稱  
皇帝萬年若微風振簫幽鳴可聽不痔不瘍無黑子創  
陷及口鼻腋私足諸過臣妾姁女賤愚慙言不宣心書  
不符見謹秘緘昧死以聞時夜漏三下太后猶御壽安  
殿發緘懼喜顧語帝曰吾入宮後知有幼妹然中外隔  
闊目所未見不謂爭達如爾明日詔下有司議禮有司  
奏曰謹按春秋迎王后於紀在途則稱后故大將軍乘

氏忠侯商女今大將軍參錄尚書事乘氏侯冀女弟膺  
紹聖善舊協潛卽結婚之際有命既集宜備禮章時進  
徵幣請下三公太常案禮儀奏可一準孝惠皇帝納后  
故事於六月癸未皇帝制詔大將軍參錄尚書事乘氏  
侯冀軋施坤受實始人經不有配儷曷奉天地宗廟爰  
謀公卿咸謂宜率前典今使使持節太常弘宗正千秋  
以禮納采主人曰皇帝嘉命訪婚陋族備數采擇臣父  
故大將軍乘氏忠侯商之遺女未閑訓誡衣履若而人



欽承前典肅奉儀制大將軍參錄尚書事乘氏冀土臣  
冀頓首再拜承制乙酉皇帝制詔大將軍參錄尚書事  
乘氏侯冀兩儀配儷承天統物正位乎內必族重  
申舊典今使使持節太常弘宗正千秋以禮問名主人  
曰皇帝嘉命使者弘到重宣中詔問臣名族臣女弟女  
瑩父母所生先臣故九江太守定陵鄉侯統之遺玄孫  
先臣故褒親愍侯竦之曾孫先臣故少府特進乘氏侯  
雍之孫先臣故大將軍乘氏忠侯商之遺女外出自先

臣故侍中鮑陽侯萬全之外曾孫先臣故大鴻臚鮑陽  
侯桂之外孫年十六欽承前典肅奉儀制戊子皇帝制  
詔大將軍參錄尚書事乘氏侯冀人謀龜從僉曰貞吉  
敬從典禮今使使持節太常弘宗正千秋以禮納吉主  
人曰皇帝嘉命使者弘重宣中詔太卜元吉臣陋族卑  
鄙憂懼不勝欽承前典肅奉儀制辛卯皇帝制詔大將  
軍參錄尚書事乘氏侯冀之女弟有母儀之德窈窕之  
姿如山如河宜奉宗廟永承天祚以黃金二萬斤馬十

二匹玄纁黻璧以章典禮今使使持節司徒戒太常弘以禮納徵主人曰皇帝嘉命降婚卑陋崇以上公寵以典禮備物典策欽承前典肅奉儀制甲午皇帝制詔大將軍參錄尚書事乘氏侯冀謀於公卿大筮元龜罔有不臧率遵典禮今使使持節太常弘宗正千秋以禮請期主人曰皇帝嘉命使弘重宣中詔吉日惟今月庚子可迎臣欽承前典肅奉儀制庚子皇帝制詔大將軍參錄尚書事乘氏侯冀歲吉月令吉日惟庚子率禮以迎

今使使持節太尉喬司徒戒以迎主人曰皇帝嘉命使  
者喬重宣中詔令月吉辰備禮以迎上公宗卿兼至副  
介近臣百兩臣蟻蟻之族猥承大禮憂悚惶悸欽承前  
典肅奉儀制后服紺上玄下假髻步搖八雀九華十二  
鎮加以翡翠朱舄祿乘法駕重翟羽蓋金根車駕青交  
路青帷裳櫨畫輶黃金塗五末蓋蚤施金華駕駟馬龍  
旗九旂大將軍參乘太僕妻御車府令設鹵簿屬車四  
十六乘前鸞旗車皮軒鳳皇關戟九旂雲罕金鉦黃鉞

洛陽令奉引公卿五官校尉司隸校尉河南尹妻皆乘其官車帶夫本官綬以從置虎賁羽林騎戎頭黃門鼓吹五時副車女騎夾轂執法御史在前五將導騎千乘萬騎引至闕下自皇漢迎后未有若斯之盛也至八月乙未詔曰維建和元年八月乙未制詔故大將軍乘氏忠侯商女女瑩朕聞任姒佐周綿運八百良以德重黃牀足奉宗廟也朕以寡昧承嗣歷服爰求英淑共臨海內惟爾夙閑內戒德冠後庭有桃夭之宜協和鳴之祥

宜升尊位毋儀天下今使太尉喬使持節奉璽綬宗正  
千秋為副立爾為皇后其敬慎中饋以踐乃位無替朕  
命永奠坤維后即位於章德殿太尉使持節奉璽綬天  
子臨軒陞設虎賁旄頭五牛旗百官陪位皇后北面太  
尉往蓋下東向宗正大長秋西向宗正讀策文畢皇后  
稱臣妾皇帝萬年畢住位太尉喬授璽綬中常侍超長  
跪受璽綬奉於殿前女史授婕妤婕妤長跪受以授昭  
儀昭儀長跪受以帶皇后皇后伏起拜稱臣妾皇帝萬

年訖黃門鼓吹三通鳴鼓畢羣臣以次出后即位大赦

天下

漢雜事秘辛

漢雜事一卷得於安寧州土知州董氏前有義烏王子充印蓋子充使雲南時篋中

書也然御覽諸書亦有漢雜事而畧不見收此特載漢桓帝懿獻梁皇后被選及六禮冊立事而吳妯入后燕處審視一段最為奇艷但太穢褻耳不謂冀威赫震人猶得瀆選如此卷首有秘辛二字不可解要是卷帙甲乙名目余嘗搜考弓足原始不得及見約繚迫秣收束微如禁中語則纏足後漢已自有之言脫於口追駟不及聊志於此用塞踈漏之誚成都楊慎

獻帝伏皇后聰慧仁明有聞於內則及乘輿為李傕所敗至河無舟楫后乃負帝以濟河河流迅急惟覺脚下

如有乘踐則神物之助焉兵戈逼岸后乃以身擁遏於  
帝帝傷趾后以繡紱拭血括玉釵以覆於瘡應手則愈  
以淚湔帝衣及面潔淨如浣軍人歎服雖亂猶有明智  
婦人精誠之至幽祇之所感矣

拾遺記

先主甘后體貌特異玉質柔肌態媚容冶先主召入綃  
帳中於戶外望者如月下聚雪河南獻玉人高三尺乃  
取玉人置后側畫則講說軍謀夜則擁后而玩玉后與  
玉人潔白齊潤觀者殆相亂惑

上



文帝郭后少時其父竒之曰此我女中玉也遂名如玉

魏志

甄皇后生每寢家中人髣髴見如有人持玉衣覆其上者上

甄后既入魏宮宮庭有一綠虵口中恒有赤珠若梧桐子大不傷人人欲害之則不見矣每日后梳妝則盤結一髻於后前后異之因效而為髻巧奪天工故后髻每

日不同號為靈虵髻

採蘭雜志

薛靈芸未至京師十里帝乘雕玉之輦以望車徒之盛  
嗟曰昔者言朝為行雲暮為行雨今非雲非雨非朝非  
暮改靈芸為夜來入宮後居寵愛外國獻火珠龍鸞之  
釵帝曰明珠翡翠尚不能勝況乎龍鸞之重乃止不進  
夜來妙於鍼工雖處於深帷之內不用燈燭之光裁製  
立成非夜來縫製帝則不服宮中號為鍼神也拾遺記  
夜來初入魏宮一夕文帝在燈下詠以水晶七尺屏風  
障之夜來至不覺面觸屏上傷處如曉霞將散自是宮

人俱用胭脂微畫名曉霞妝

採蘭雜志

魏文帝宮人莫瑀樹置蟬鬢次薛夜來善女紅次段巧笑始以錦衣綵履作紫粉拂面次田尚衣能歌舞四美一時冠絕日夕在側

田尚衣多病文帝以硃砂塗四壁以辟邪故謂之紅壁

女紅志

吳主趙夫人丞相達之妹善畫巧妙無雙能於指間以綵絲織雲霞龍蛇之錦大則盈尺小則方寸宮人謂之

機絕孫權常嘆魏蜀未夷軍旅之隙思得善畫者使圖山川地勢軍陣之像達乃進其妹權使寫九州江湖方嶽之勢夫人曰丹青之色甚易歇滅不可久寶妾能刺繡作列國方帛之上寫以五嶽河海城邑行陣之形既成乃進於吳主時人謂之針絕雖荆棘木猴雲梯飛鵠無過此麗也權居昭陽宮倦暑乃褰紫綃之帷夫人曰此不足貴也權使夫人指其意思焉答曰妾欲窮慮盡思能使下綃帷而清風自入視外無有蔽礙侍列者飄

然自涼若馭風而行也權稱善夫人乃折髮以神膠續之神膠出鬱夷國接弓弩之斷弦百斷百續也乃織為羅縠累月而成裁為幔內外視之飄飄如煙氣輕動而房內自涼時權常在軍旅每以此幔自隨以為征幙舒之則廣縱一丈卷之則可內於枕中時人謂之絲絕故吳有三絕四海無傳其妙

拾遺記

吳孫皓寵姬張氏死思其色使巧工刻木作美人形像

常置座側

筆叢

吳孫和說鄧夫人嘗置膝上和弄水晶如意誤傷夫人  
頰醫者曰得白獺髓雜玉與琥珀當滅痕及差有赤點  
更益其妍諸嬖人更以丹脂點頰以要寵<sup>上</sup>

魏文帝黃初七年正月命中宮蠶於北郊依周典也及  
武帝太康六年散騎常侍華嶠奏先王之制天子諸侯  
親耕籍田千畝后夫人躬蠶桑宮今陛下以聖明至仁  
修先王之緒皇后體資生之德合配乾之義而坤道未  
光蠶禮尚缺以為宜依古式備斯盛典詔曰昔天子親

籍以供粢盛后夫人躬蠶以備祭服所以聿遵孝敬明  
教示訓也今籍田有制而蠶禮不修由中間務多未暇  
崇備今天下無事宜修禮以示四海其詳依古典及近  
代故事以叅今宜明年施行於是蠶於西郊蓋與籍田  
對其方也乃使侍中成粢草定其儀先蠶壇高一丈方  
二丈為四出陛陛廣五尺在皇后採桑壇東南帷宮外  
門之外而東南去帷宮十丈在蠶室西南桑林在其東  
取列侯妻六人為蠶母蠶將生擇吉日皇后著十二笄

步搖依漢魏故事衣青衣乘油畫雲母安車駕六騄馬  
女尚書著貂蟬佩璽陪乘載筐鉤公主三夫人九嬪世  
婦諸太妃太夫人及縣鄉君郡公侯特進夫人外世婦  
命婦皆步搖衣青各載筐鉤從蠶先桑二日蠶宮生蠶  
著薄上桑日皇后未到太祝令質明以一太牢告祠謁  
者一人監祠祠畢撤饌班餘胙於從桑及奉祠者皇后  
至西郊升壇公主以下陪列壇東皇后東面躬桑採三  
條諸妃公主各採五條縣鄉君以下各採九條悉以桑



授蠶母還蠶室事訖皇后還便坐公主以下乃就位設

饗宴賜絹各有差

晉書

晉惠帝永康元年帝納皇后羊氏后將入宮衣中忽有火光衆咸怪之自後蕃臣構兵洛陽失御后為劉曜所

嬪異苑

杜皇后長猶無齒成帝納采之日一夕盡生

上

晉穆帝后父何準寓居海鹽南三里后將產之夕有羣鳥夜驚於聚落爾後鳥更鳴衆共異之及明大赦乃穆

帝立準女為后

睦州記

劉聰以婢為后王鑒諫曰不可以汚玉簀塵璫寢

十六國春秋

秋

劉聰將起鳳儀殿於後庭陳元達諫聰怒將斬之時在逍遙園元達抱堂下樹叫曰臣所言者社稷之計也劉后在後堂密手疏救之乃解改逍遙園為納賢園秀中

堂為愧賢堂

前趙錄

石虎皇后浴室中有雙長生樹

郭中記

宋武帝節儉張妃房唯碧綃蚊幃

崔祖思啟事

陸元德吳興東遷人宋文帝召入內時太后王氏雅信

黃老降母后之尊執門徒之禮

珠囊

宋孝武大明五年閏月皇太子妃薨樟木為櫬號曰樟

宮載以龍輜造陵於龍山置大匠卿斷草司空告后土

謂塋曰山塋

宋書

郗皇后性妬忌武帝初立未及冊命因忿怒忽投殿庭井中衆趨井救之后已化為毒龍煙焰冲天人莫敢近

帝悲嘆久之因冊為龍天王便於井上立祠

兩京記

梁武妃丁貴嬪左臂有赤痣上有五采而體多疣納之

其疣並失

梁書

陳武帝皇后手爪長五寸色並紅白每遇期功之服則

先折一爪

陳書

後主沈皇后諱婺華身居儉約唯尋閱釋典為事常遇  
歲旱自暴而誦經應時雨降陳亡入隋及煬帝崩自廣  
陵過江於毘陵天靜寺為尼名觀音

上

陳後主與張麗華遊後園有柳絮點衣張麗華謂後主曰何能點人衣後主曰輕薄物識卿意也張麗華笑而

不答

類記

每憶爾時麗華方凭臨春閣試東都紫毫書小研紅綃答江令碧月詞未終見韓擒虎領數萬騎直來捉人都

無去就意

南部烟花記

張麗華髮長七尺

上

後主馮淑妃名小憐太穆后從婢也穆后愛哀以五月

五日進之號曰續命慧黠能彈琵琶工歌舞後主惑之坐則同席出則並馬願得生死一處

北史

昔有大姓家子端正以金作女像語父母言有女似此者兒乃當取時他國女有貌亦端正亦作金男白父母言有男似此乃當嫁之父母各聞便遠娉合時國王舉鏡自照謂羣臣曰天下人顏有如我不諸臣答曰臣聞彼國有男端正無比則遣使請之使至告之王欲見賢者則嚴早進去已自念王以我明達故來相呼則還取

書而見婦與奴為奸悵然懷憾為之結氣顏色衰醜臣  
見如此謂行道消瘦馬廐安之夜於廐中見王正夫人  
與馬下人私通心乃自悟王太夫人尚當如此何況我  
婦意解心悅顏色如故則與王相見王曰何因止外三  
日答曰臣來有忘還歸取之而見婦與奴為奸意忿顏  
色衰變故住廐中三日昨見正夫人來與養馬免私通  
夫人乃爾何況餘人意解顏色復故王言我婦尚爾何  
況凡女兩人俱捨便入山中剃髮作沙門思惟女人不

可從事精進不懈俱得辟支佛道

譬喻經

昔有國王護持女急正夫人語太子曰我為汝母生汝  
不見國中欲一迴出汝可白王如是至三太子白王王  
則聽可太子自為御車羣臣於路奉迎設拜夫人出手  
開帳令人得見太子見女人而如是便詐腹痛而還夫  
人言曰我無相甚矣太子自念我母尚當如此何況餘  
乎夜便委國捨去入山遊觀時道邊有樹下有泉水太  
子上樹逢見梵志獨行入水池浴出已飯食作術吐出



一壺壺中有女與屏處室梵志得卧女人復吐一壺壺中有男復與共卧卧已吞壺須臾之頃梵志起已復內婦著壺中吞已杖持而去太子歸國白王請梵志及諸臣下作三人食持著一邊梵志既至言我獨自太子曰梵志汝當出婦共食梵志不得已出婦太子語婦汝當出夫共食如是至三不得已出男共食食已便去王問太子汝何因知之答曰我母觀國我為御車母開出手令人見之我念女人能多樂欲便詐腹痛還入山中見

梵志藏婦腹中如是女人奸不可絕願大王放赦宮中  
王敕後宮其欲行者任從志也


上

無憂婆羅門將無比女往憍閃毗娑與鄔陀延王為夫  
人無憂為輔國大臣王又有夫人名紺容無比情懷嫉  
妬數於王處構扇讒言時王邊境反叛王親領兵自往  
征伐遂敕無憂守都邑無比每勸其父令害紺容紺容  
夜讀佛經復須抄寫告大臣樺皮貝葉筆墨燈明便宜  
多進大臣於樺皮內密安火炭置在宮門夜被風吹火

便大發紺容與五百緣女同時殞命惟曲眷侍女從水  
竇出得免先嘗有二人來至王所樂為奉事一人能說  
喜事一人能說憂事爾時國人及留守臣見紺容死計  
無所出其說幽事人共大臣等議畫一幀作紺容夫人  
所為因緣投火死狀並與象馬各數滿五百真金一億  
別嚴四兵詣王營所遣使持書白王王啟封讀書而笑  
問善知識比曾見有被死將去求索得耶答曰若被死  
將去求索不得者可開此幀因言紺容已死願王寬其

罪惡王憂惱設此權謀王即旋軍救殺無憂以無比置  
地牢內王經七日極懷憂悴復出無比因往問世尊何  
因緣故佛言乃往古昔婆羅泥斯國王梵摩達多大夫  
人曾於五百綵女遊觀華國入芳池浴時寒求火去此  
不遠有獨覺聖者造一草庵在中住止夫人命一使女  
燒彼草庵女見不忍夫人即便自往放火諸女悉共懼  
笑彼夫人者即紺容是彼侍女者即五百內人是彼使  
女者即曲脊女是

法苑珠林



廣博物志卷十一